

道教靈驗記卷之九十

卷六

廣成先生杜光庭集

真人王母將軍神王童子靈驗

明州象山縣門陶真人畫像驗

明州象山縣蓬萊觀陶貞白真人梁朝修藥

之所自寫真於東壁之上邑中祈請應效甚多有居人家在觀側素亦崇敬每早朝必望觀瞻禮真人焉常來往州中貿易三日五日一歸其家一旦隨船過海將及縣步忽颶風大起船勢飄蕩垂欲沒此人心念陶真人應賜救護船眾六七十人騰口念佛風勢愈甚俄見一道士在黃色光中乘雲到船上以羽扇約風曰陶真人相救無至怖畏也言訖風波寧靜良久船達縣步眾見道士狀貌聞其語聲此人心知感應引數人至蓬萊觀認見真人形儀與空中所見無異遂相率修飾觀宇以答焉

西王母驗

玉局化西王母塑像多年頃因觀宇燒焚廊屋頹壞而儀像不損人稱其靈居人范老通

忽患風癩瘡疾既甚眉鬚漸落因入觀於王母前發願但所疾校損即竭力修葺是夕夢一玉女手執花盤以水拂其身上曰王母令我救汝疾即愈矣數日之間所疾漸退瘡腫皆息眉鬚復生遂造紗幮裝金彩通檐兩

間嚴潔修葺每月自送香燈近年方稍不見觀中三將軍亦古之所塑觀因雨詔焚燒屋宇摧盡而將軍塑像不壞起觀之日再於其上構立堂宇居人間士林臥疾月餘迨將不救夢三將軍以戟揮其身上穿一物去狀如黑犬自此疾愈乃捨衣物製紗幮重加彩績矣

黃魔神救蕭李三相公船驗

歸州黃魔神因相國李吉甫自忠州除替五月下峽至峽水之中波濤極甚忽有神人湧於水上為其扶船三面六手醜眸朱髮袒而虺頭風濤遽息李公祝而謝曰是何靈神拯危救難神曰我是黃魔神也既而歸州駐船旬月遷地構宇於紫極宮作黃魔堂言是黃天魔王橫天擔力之神也刻石紀焉相國蕭

遵自拾遺左運峽內微還京師峽水汎漲舟船將沒亦見其神捧船以救之復命修飾如其粉繪嚴其室宇刻石為誌亦列於次焉

湖州青龍君驗

湖州開元觀青龍君塑像精妙冠絕江表人皆云明皇朝國工所作頗有靈應士庶疾苦禱祈無不驗者其前臨官街有槐樹徑已盈尺枝幹既枯烏程縣令使人伐之夜夢青龍君曰我之庭樹方今再生旬月間枝葉當茂何得創意告之今以為偶然爾明日使工伐樹每斫一斧令舉身皆痛復有巨蛇從龍君座下出工役驚懼捨之而去及還令身已被一瘡晝夜痛楚方知青龍君惜樹之驗以藥傅瘡痛終不止以葱泥塗樹所處瘡痛稍定歲餘樹瘡合所疾亦愈枯樹枝葉復生尤加繁茂龍君香燈禱祈旦夕不絕

荆南開元觀南帝神驗

荆南開元觀南帝神不識所製之由多年瘡土昏翳無人修奉一旦有里人家夫出不遠其妻將產夜深隣人皆臥無求燈燭之所忽

見蠟炬至其前有一少女為其燈火溫水以符與之今春符之後痛楚皆定安然而產洗澤之具湯酒所用少女一一給之逾於親愛之分是夜稍寒產婦安臥少女以錦水覆之存恤再三留蠟炬去婦以感其周至謝之既畢忽思我夫至貧素無親屬何人如此憂我也因問曰明日夫婿還家即今辭謝不知誰家使來如此周旋爾女曰開元南帝君今我來也如是而去其夫還婦為說之乃詣開元南帝君在東廊之下塵埃滿屋金彩久暗頭上多年傘蓋頂亦闕矣此人掃灑焚香具述其事及驗所蓋錦水乃傘蓋之頂折處甚新纜方一幅及被覆蓋不啻文餘自是士女求福特加嚴飾四方橋祈立有徵應

青城丈人真君示現驗

青城丈人真君大和六年壬子節度使贊皇李公德裕差軍將蔡舉二人就山修齋便令訪尋草藥蔡舉於六時巖下忽有勁風自谷中出因見二神人行虛空中一人在前長丈餘著大袖衣平冠一人居後著青水大袖捧

一帙書舉驚愕問曰何鬼神也前一人答曰我是竹枝老又指其後人曰此是墳之塚我有密語兩紙可一一記之錄與尚書今年西蜀合有水災以修齋之故我回後山一峰壚水向東梓州當秋大水即其應也於是授以密語述李公吉凶未兆之事蔡舉一一記之歸常道觀錄於紙上果得兩紙依神人之言封題送李公書寫既畢併亦遺忘矣是年八月東川水漲數丈西蜀無害李公歷問眾寮及道流解隱語不得李公曰竹枝老丈人也此當是丈人真君耳蹟之蹟者本命屬為墳化亦恐是化中靈官持此示見以彰靈應也

羅真人示現驗

羅真人即神仙羅公遠也于濠陽羅江壩接九隴什邡之界在瀉沱化後今相傳號羅仙

范仙宅修道於青城之南今號羅家山明皇朝出入帝宮輔導聖德自南有內傳至今隱見於朔口什邡楊村濠陽新繁新都數服之內人多見之不常厥狀或為老嫗或為白食之人每風雨愆期田農曠廢則必見焉疑其

仙品之中主司風雨水旱之事也楊村居人眾以早曠將禱於路口後城李冰祠廟甚熱於路隔樹陰之下忽有老嫗歎而問曰眾人欲何往也以祈雨事答之嫗曰要雨須求羅真人其餘鬼神不可致也言訖不見眾疑嫗即羅真人也於是見處焚香以香馬俄而風起雲布微雨已至眾乃還家是多數十里內甘雨告足乃於其所置天壇聖像馬諸鄉未得雨處傳聞此說以音樂者花就新官祈請迎就本村別設壇場創官宇雨亦立應如是什邡綿竹七八縣界真人之官處處皆有請禱祈福無不徵效忽為乞士於朔口江畔謂人曰此將大水漂損居人信我者遷居以避之不旬日矣有疑其異者即移卜高處以避水災其不信者安然而處五六日暴水大至漂壞廬舍損溺戶口十有三四馬居人以為信立殿塑像以祠之金銀行人楊初在重圍之內陪納贖軍錢七百餘千貨鬻家資未支其半初事母以孝每為供軍司追促必託以他出恐母為憂嘗於山觀得真人像慎一

幅香燈嚴奉已數年矣至是真入託為常人
詣其肆中問以所納官錢以何准備具以困
窘言之此人令市生鐵備炭火明日復來燃
炭墨鐵投之一夕而去臨行謂之曰我羅公
達也在青城山中以爾孝不違親心不忘道
以此金相助支官錢之外可以肥家復引初
往山中時今歸觀初亦得丹藥以奉其親髮
白還青老能反壯矣

嘉州飛天神驗

嘉州開元觀後周所創本名弘明觀隋大業
中方製大殿於殿西頭塑飛天神像生高二
丈餘坐二鬼之上初修觀道士呂元棟數夕
夢神人在山之頂其形接天或白日發髯如
見郡人有好道者時亦見之或通夢寐遂商
議塑此形像本有十身初製其一而隋末多
事中原沸騰不果徧就像之靈應郡人所知
矣疾瘵之家禱祈必驗其下二鬼青黑者往
往現於人家太和中桐國社元誦鎮成都種
場不修關戍失守為南詔侵軼本源川路境
上夷人導誘蠻蠻分三道而來掩我不備將

取嘉州去州四十餘里寇乃大驚奔潰而去
州境稍安方設備禦有捨得夷人覘候者大
寇及境何驚而退云三路蠻寇本欲徑取嘉
州謂州中無備去州四十里忽旗幟偏山兵
士羅布不知其數有三五人大將軍金甲持
斧三二丈聲如雷霆立二鬼之上塵諸山兵
士齊為拒捍自量力不可敵奮而去是日
蠻中主軍酋帥死者三人蠻國之法行軍有
死傷及棄械旋即瘞藏不令露見由是不知
酋帥瘞埋之所時眾聞之皆言飛天神王兵
示見以全州境自是祈禱禱願迨無虛日又
嘗有人下峽之時曾詣飛天求乞保護至瞿
塘水方泛溢波濤甚惡同船三船一已損夫
二皆危懼忽見神人立於岸上如飛天之形
使二大鬼入水扶船鬼亦長丈餘船乃安定
風濤亦止驚迫之際莫知所自徐而思之乃
飛天所坐二鬼救其船耳一赤一青形與所
塑無異

乾元觀四天神王驗

成都乾元觀在益市創制多年頃因用軍焚

毀都盡三門之下舊有東華南極西靈北真
四天神王依華清宮朝元閣樣塑於外門之
下垂金甲天衣門既墜壞而神王無損風雨
飄瀆亦無所傷邑人相傳頗為靈應時蜀王
旣克川蜀移軍收彭州圍州久矣因暫遷成
都方當暑月恭從將吏所在取便而行大將
杜克備先至神王之所見眾人聚觀塑像問
其故云塑神皆動克備以器盛水致神手中
果搖動而水溢出頃之蜀王至復祝而試焉
曰若即克彭州更觀搖動之應良久而振動
數四不逾月而克州城殲殄大敵乃施金幣
命本邑創制堂宇以崇飾之

丈人真君山推出水驗

丈人真君殿在青城山東谷之內距層崖之
下前臨濬溪地勢險窄而四山縈抱亦為勝
所自開元中遷地於其處常引東北崖下及
西溪之水以供飲食泉或涸竭必汲於前溪
中頗為勞矣景福壬子歲七月十三日風雨
暴至北崖鬼域之上山隕石裂迸水流注其
勢洶湧將墊於真君殿俄有隕石奔下自為

樞形塵水向東殿無危墊自此常有水流冬夏不絕劈竹引於廚中其味甘香至今不竭

襄州龍興觀神王驗

襄州龍興觀自亂離已來半已摧圮觀門神王之像土塑踐剝僅存其骨而已有步健者取神王脚骨之木以為薪焉其婦因置薪火中但焦黑而已竟不成煇遂撤而棄之婦乃坐竈前自引其足於竈下燒之頃刻焦然久而方覺痛楚其夫驚往視之足已爛矣問其故妻具述前狀不知從何得此薪亦不知何故自欲焚其足步健者思之其薪乃神王脚骨也遂送還觀中因言其報應神異遠近大駭亦焚香致謝自首其過婦足雖爛身亦自愈

襄州北帝堂驗

楚王趙匡凝鎮襄州也州郭舊有北帝堂歲久蕪毀在營壘中一旦楚王寢室之上所有物如曳戟皮革之聲无皆震動潛起視之見黑氣一道自北帝舊基之所至板屋上楚王異之密加虔祝將欲興創堂宇以答祥應詰朝

視事之際光嘗選將校五十人俾往營田日給以水漿農器指揮教命一無應者楚王疑有異圖拘而訊之得其構孽之狀咸勦戮焉乃謂人曰北帝靈驗信有徵矣中夜有雲氣之異詰朝乃燕愿彰明若非玄功告示幾有不測之禍遂飾師堂廡崇嚴像貌俾焚謁之士主其香燈闕境瞻掃累獲符應矣

道教靈驗記卷之九

道教靈驗記卷之十

廣成先生杜光庭集

經法符籙靈驗

李昌遐念昇玄護命經驗

李昌遐者後漢兗州刺史之裔也生而奉道常誦太上靈寶昇玄消災護命經而秉性柔弱每為眾流之所侮虐忽因晝寢夢坐烟霞之境四顧而望皆能龍虎豹圍繞周匝莫知所措不覺傷歎何聲戒之甚耶謂積善之無驗于時空中有一道士呼其名而語之曰吾即救苦真人也汝勿驚駭吾奉太上符命與諸神將密衛於汝且汝常念者經云流通讀誦即有飛天神王破邪金剛護法靈童救苦真人金精猛獸各百億萬眾俱侍衛是經昌遐既覺豁然大悟因知自前使虐我者未有無禍患殃咎蓋誦經之所驗也

崔畫度人經驗

崔畫者後漢汝陽侯仲牟之後嘗謁白雲先生學修真之術先生曰汝富貴之子何思淡泊崔子避席而對曰以財服人財有數而人無